



Comune di Budoni

## Azioni "Ciòani VISPI"

# Bandiu pa' l'agghjudicamentu di bònì "voucher" pa' la prattica sportiva



Dati impulanti inn istrintu	
Tantu massimu di lu bònù voucher"	250,00 €
Scadenzia pa' ricì li dummandi	la dì 13 di Friàgghju di lu 2023
Manéra pa' mandà di li	Pec o raccomandata
Cuntatti sólu pa' dummandà chjarimènti	<a href="mailto:sardegna@coni">sardegna@coni</a>

\* \* \* \* \*

### 1. Discriziòni e finalità di l'agghjutu

Illa posta in prattica di la Dilibbaraziòni di la Giunta Regionali di la Regione Autonoma di la Saldìgna n. 23/11 di la dì 21 d'Aglióla di lu 2022 e di l'Accòldu chi è sigùtu tra la RAS e lu Dipaltimentu di li Politichi Cioanìli di la Presidenzia di lu Cunsigliu di li Ministri, e ancóra di l'altu Accòldu chi è sigùtu tra la RAS e lu CONI C.R. Saldìgna la dì 15 di Sant'Andrìa di lu 2022, lu C.R. Saldìgna di lu CONI, mintuàtu a innanzi, è statu ingarrigatu di punì in prattica l'aziòni chjamata "Ciòani VISPI (Bònì Voucher Iscriziòni Sport pa' l'Inclusiòni)" chi selvi pa' assignà chisti bònì "voucher" pa' l'iscriziòni e la fraccuenza di corsi sportivi pa' ciòani residenti in Saldìgna sigundu li réguli e li scadènzì discritti meddhu ill'alticculi chi s'ghini chistu Bandiu.





Comune di Budoni

## 2. Acchitti disponibbili

L'acchitti finanziari disponibbili destinati a l'assignazioni di li bònì "voucher" di l'Aziòni "Ciòani VISPI" di la Regione Autonoma di la Saldìgna e di lu Fundu Nazionali Politichi Cioanili di lu Statu Italianu sò in tuttu 762.477,12 €.

## 3. Destinatari e cosa tocca aé

- a) Sò destinatari di l'agghjuti li ciòani chi a la data di presentazioni di la dummanda s'iani in pussessu di lu chi sighi:
- Età cumpresa tra li 14 e li 19 anni cumpriti;
  - Residenza inn un Cumuni di la Saldìgna cun di mancu di 30.000 abitanti;
  - Redditu ISEE di lu nucleu familiari di appaltinenzia suttu a li 12.000 €;
- b) Illu prisùmu di nuclei familiari undi vi s'iani più ciòani in pussessu di lu chi selvi mintuàtu illu puntu a), si podarà prisintà la dummanda di paltecipazioni pa' unu nummaru massimu di dui ciòani cumpunenti. Altu ciòani cumpunenti in pussessu di lu chi selvi pa' fà la dummanda póni esse pòsti illa graduatoria tra li chi sò "in pussessu ma no beneficiari" da undi poi si podaràni piddhà illu casu di mancata assignazioni di tutti l'acchitti disponibbili cu' la graduatoria di li chi sò in pussessu e beneficiari.

## 4. Entità e destinazioni di lu bònù "voucher"

- a) Lu bònù "voucher" pa' lu beneficiariu è destinatu a fà attivitai sportiva dilettantistica carragghjendi li costi di iscrizioni e di fraccuenza finza a a la concorrenza di lu tantu massimu di 250,00 € pa' dugna beneficiariu.
- b) L'attivitai sportiva dilettantistica mintuàta illu puntu a innanzi si pó fà sólu in Società Sportivi o Associazioni Sportivi Dilettantistici in régula cun l'affiliazioni in Federazioni Sportivi Nazionali (FSN), Disciplini Sportivi Assuziati (DSA) o Enti di Promozioni Sportiva (EPS) ricunnotti da lu Comitatu Olimpico Nazionali Italianu (CONI) o da lu Comitatu Italianu Paralimpicu (CIP).

## 5. Manéra di presentazioni di la dummanda

La dummanda, anda fatta innantu a lu modellu allegatu a chistu Bandiu, no veni accittata siddhu no è cumpilata in dugna palti, sottuscritta sigundu la manéra di inviu sciuaràtu a innanzi da lu sugghjettu chi à la podestai genitoriali o da lu sugghjettu chi lu pó fa siddhu à cumpritu li 18 anni, agghjunghjendi la ciltifficazioni ISEE vailta e li documenti di identitai





Comune di Budoni

di li chi àni fattu la dummanda e à d'arrià a lu CONI C.R. Saldìgna prima e no dapói di mezanotti mancu 1 minuttu (23:59) di la dì 13 di Friàgghju di lu 2023 illa manéra chi sighi:

- Cun raccomandata a/r in busta chjusa scrièndi a palti di fóra l'inghjittu "Bandiu Cìòani VISPI" illa sedi di lu CONI - Cunitatu Regionali Saldìgna chi s'agatta in: CONI - C.R. Saldìgna, Carréra Bonaria n. 66, 09125 - Castéddhu;

O

- Mandendi la dummanda in manéra telematica in PDF sottuscritta a lu 'ndirizzu Pec: sardegna@cert.coni.it Lu fattu chi li documenti arréini lestri, è un arriscu sólu di ca' li manda. Venaràni presi in cunsidèru sólu li dummandi arriàti a lu CONI prima di la datta impustata; dapói di chista datta no venini accittati altu dummandi, ancóra siddhu mandati prima di la scadenza impustata o ancóra siddhu so in cambiu di chissi prisintati in tempu.

## 6. Crittèri di fulmaziòni di li graduatori

Una `òlta cumpritu lu tempu di presentaziòni di li dummandi mintuàti ill'alticculu a innanzi, lu CONI C.R. Saldìgna cumenciarà l'avvilguamentu di li dummandi pa' fulmà la graduatoria di li chi sò affattenti beneficiari di lu bònu "voucher" e di l'affattenti no beneficiari.

Cun lu scòppu di fulmà li graduatori mintuàti a innanzi, di pudé dapói spalti l'acchitti mintuàti ill'alticculu 2 tra li sugghjetti chi àgghjini prisintatu, in irrégula, la dummanda a chistu Bandiu, si pruzzèdarà, illu rispettu di li dispusiziòni inghjittàti illa Dilibbaraziòni di la G.R. n. 23/11 di la dì 21 d'Aglióla di lu 2022, a diltimìnu di lu tantu spettanti a dugnumu sigundu li crittèri chi s'ighini:

- Oldini inn alzata di redditu ISEE;
- Illu casu di mattèssi redditu ISEE, venarà data prioritài inn oldini in falata sigundu lu nùmmaru di cumpunenti di lu nucleu familiari chi póni fà la dummanda mintuàti ill'alticculu 3;
- Illu casu di mattèssi nùmmaru di cumpunenti chi póni fà la dummanda comu inghjittàtu illu puntu b), venarà data prioritài a li cìòani candidati più minóri di 18 anni (calculata in ciurràti). Illu casu di istanzia chi dummanda lu cuntribbuttu pa' più cumpunenti, vèni tinuta in cunsidèru la summa di l'età inghjittàta in ciurràti pa' li cìòani





Comune di Budoni

candidati pa' lu cuntribbutu e vènini posti in graduatoria li candidati inn òdini inn alzata sigundu l'età/summa di età.

## 7. Pubblicazioni di li graduatori

A cumprimentu di li graduatori, sigundu li crittèri mintuàti ill'alticculu 6, li mattèssi venaràni publicati sòlu innantu a lu sittu internet di lu CONI C.R. Saldìgna.

Pal chissu, dugna candidatu à d'avvilguà illu sittu web ufficiali di lu Cumitatu Regionali di lu CONI mintuàtu a innanzi ( <https://sardegna.coni.it> ) palchè no venarà mandatu avvisu passòna pa' passòna.

Altu opposizioni podaràni esse prisintati cun li mattèssi manèri mintuàti ill'alticculu prima di la scadènzia di 10 dì da la publicazioni; passatu chistu tempu, li graduatori doaràni esse ritinuti chjusi.

## 8. Avvilgumèntu e cumpùtu

Lu CONI C.R. Saldìgna podarà puni in ópara un cumpùtu di li dummandi prisintati da li candidati pa' avvilguà la `iritài di li dichjarazioni fatti. Undi da li cumpùti e da l'avvilgumènti fatti, eschia a fóra lu falzu indrentu a celti dichjarazioni fatti a li sensi di lu D.P.R. n. 445/2000 e ss.mm.ii. o illu casu no s'iani stati mandati tutti li documènti chi selvini o no s'iani bastanti, lu dichjaranti, chena cuntà li gàrrighi passunali inn òdini a lu falzu dichjaratu, cascarà lu beneficiu cun l'esclusiòni, chi ni s'ighi, da la prattica e da la graduatoria màccari sia ghjà fulmata.

## 9. Frunimèntu di li bònì "voucher"

A cumprimèntu di li operaziòni mintuàti ill'alticculu 7 e, dunca, una `òlta agattati li beneficiari cumpruàti indrentu a lu tantu massimu disponibbili pa' lu frunimèntu di li bònì "voucher", li Societài sportivi e li Associazioni sportivi dilettantistici sciuaràti da li beneficiari mattèssi pa' lu puni in prattica di la prattica sportiva aràni di mandà entru 15 dì a lu CONI

C.R. Saldìgna, cun li mattèssi modalitài mintuàti ill'alticculu 5, una scrittura privata di impegnu a fà fidi illa andanzìa di la prattica sportiva ricunniscèndi un abbònu finza a 250,00 € innantu a gàrrighi di iscrizioni e fraccuènzia di li beneficiari ciòani. La scrittura privata in paràula, di cumpilà innantu a lu modellu allegatu a chistu





Comune di Budoni

Bandiu, arà di stà sottuscritta sia da lu legali rappresentanti di la Società sportiva o A.S.D., sia da lu sugghjettu chi polta la podestài genitoriali o da lu sugghjettu chi lu pó fà aèndi cumpritu 18 anni, e chi aia prisintatu la dummanda.

La società sportiva/ ASD si ingarrighìghja di fà praticà a lu ciòanu beneficiariu a lu più lu mattèssi costu appustatu pa' altu ciòani sportivi chi sò iscritti illa mattèssi società aèndi di chjarì illa scrittura lu 'alóri di l'abbònu praticatu e li costi di iscrizioni e di fraccuenza "lordi" di bucani. A lu mattèssi tempu, lu sugghjettu ingarrigatu di la podestài genitoriali arà di accittà lu cuntribbutu in folma d'abbònu innantu a l'iscrizioni e innantu a lu tantu di fraccuenza.

Dapói di aè ricìutu la scrittura privata in paràula, lu CONI C.R. Saldìgna pruzzedarà a dà subbitu lu 'alóri di lu bònì "voucher" ricunnòttu illu mumentu in faóri di la Società sportiva / ASD sciuaràta a innanzi, sólu pal mezu di bonificu bancariu in faóri di lu c/c intestatu a la mattèssi Società / ASD.

#### 10. Infulmazioni

Altu dummandi di infulmazioni pa' chistu Bandiu podaràni esse mandati a l'indirizzo e-mail [sardegna@coni.it](mailto:sardegna@coni.it)

#### 11. Ingarrigàtu di lu pruzzidimentu

Lu 'Ngarrigàtu di lu pruzzidimentu è lu Presidenti p.t. di lu CONI C.R. Saldìgna.

#### 12. Infulmativa innantu a lu trattamentu di li datti passunali

La RAS, cun sedi legali in Castéddhu, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti di la Giunta Regionali pa' un trèttu di tempu ("Titolari" pa' lu tempu a innanzi), in galitài di titolari di lu trattamentu pal mezu di lu Direttori Generali pa' un trèttu di tempu, delegatu di lu Titolari pa' lu trattamentu di li datti liàtu a li procedimenti in gàrrigu a la Direzioni Generali di la Pubblica Istruzioni, a li sensi di lu Decrettu Presidenziali n. 48 di la dì 23 di magghju di lu 2018, infolmani a li sensi di l'alticculi 13 e 14 Regulamentu UE n. 2016/679 (divintatu dapói, "GDPR") chi li datti venaràni trattati cun li manéri e pa' li scòppi chi s'ighini.





Comune di Budoni

## Oggetto di lu Trattamentu

Lu Titolari tratta li datti passunali e/o idintificativvi (nommu, sangunìghju, indirizzu, teleffonu, e-mail, indirizzu pec, riferimènti bancari e di pacamentu, dichjarazioni ISEE, codici fiscali, documenti di idintità ecc. tutti datti di beneficiari candidati a esse cunfolmi a lu cuntribbuttu e sugghjetti dichjaranti liàti chi àni la podestà genitoriali e chissi di li legali rappresentanti di li società sportivi o associazioni sportivi misciati ill'agghjutu), pa' li finalità di assignazioni di li bònì "voucher" e illu ramu di la gestioni di lu pruzzidimèntu liàtu da lu CONI e da la REGIONI, dapói chjamàti "datti passunali" o ancóra "datti".

## Finalità e basi ghjuridica di lu trattamentu

Li datti passunali vènini trattati a li sensi di l'alticculu 6 littara e) di lu GDPR palchì lu trattamentu è ministéri pa' lu punì in prattica un compitu di intarèssu publicu o liàtu a lu punì in prattica di poteri pubblici undi è invistutu lu titolari di lu trattamentu e no è, dunca, ministéri accapità li cunsensi di li intarissati. Li réguli di la pruzzidura s'agattani illa sizioni di l'avvisu, chi sarà sigùtu da lu CONI e cuntenerà chista infulmativa.

Lu trattamentu venarà trattatu illu sighì li finalità chi s'ghini: gestioni di li pruzziduri rifferuti a l'avvisu publicu, predisposizioni e pubblicazioni di li graduatori, gistiòni di lu cuntribbuttu e assignazioni, avvigliuamèntu, cumpùtu, attività di "audit", cònti.

## Manéri di trattamentu

Lu trattamentu di li datti passunali è cuntiviciatu pal mezu di l'operazioni inghjittati ill'alticculi 4 n. 2 di lu GDPR e di prizzisu: accapità, riggistrà, l'organizzazione, la appustà, adducà, adattà o mutà, tustà, cumputà, trattà, la cumunicazioni pal mezu di la trasmissioni, la diffusioni o cassisia altu folma di posta a dispusizioni, lu cunfrontu o l'interconnessioni, la custrizioni, lu turrà a nuddha o lu strimèntu.

Li datti passunali sò sugghjetti a trattamentu sia in papéri, sia elettronicu e/o automatizzatu e venaràni assintati e adducati ill'archiviu di la Direzione Generali di la Pubblica Istruzioni di l'Assessoratu di la Pubblica Istruzioni, Beni Culturali, Infulmazioni, Spettaculu e Sport cun riferimèntu a la finalità di lu pruzzidimèntu di assignazioni di li bònì "voucher". Lu Tittulari tratterà li datti passunali pa' un





Comune di Budoni

trèttu di tempu di 10 anni a plti da la datta di cumprimèntu di la prattica e inn una folma chi venghia bè a idintificà li passòni intarissati sólu pa' lu trettu di tempu nizissariu pa' lu cunsighimentu di li finalitài chi sò stati assintati o, infattu, trattati li datti. In cambiu, pa' lu trattamèntu di li datti pa' l'archiviaziòni illu `ntarèssu publicu, di cilca scentifica o storica o a lu scòppu statisticu, a li datti venarà applicatu l'alticculu 89 di lu GDPR, e, undi sia pussibbili chèna preghjudicà in manéra grài o rindi impussibbili lu cunsighimentu di chisti finalitài, venaràni agghjunti pruvvidimènti tecnici e olganizzativvi cun lu fini di garantì lu prinzippiu di la minimizzaziòni di li datti.

### **Pa' trattà li datti**

Li datti podaràni esse libbari a intrà pa' li finalitài di assignaziòni di li bònì "voucher" e rendicontaziòni a dipendenti e collaboradóri di lu Titolari o di altu Responsabili di fóra di lu trattamèntu, illa só' galitài di cumpruàti pa' lu trattamentu e/o di amministradóri di sistema.

### **Comunicaziòni di li datti**

Lu Titolari podarà mandà li datti pa' li finalitài di assignaziòni di li bònì "voucher" e rendicontaziòni a altu paltiziòni amministrativi di la Regioni Autonoma di la Saldìgna, com'è Autoritài di Gistiòni di li fundi, Uffici impustati a li cumpùti di I livellu, Uffici impustàti pa' attivitài di "Audit", Uffici preimpustàti pa' l'attivitài di gistiòni cuntabbili e di bilanci ecc. e ancóra a chissi sugghjetti, ancóra di fóra di la Regioni, chi pal chissi la comunicaziòni sia d'ubbrìcu pa' legghji o venghia fatta dapói di autorizaziòni infini di lu Titolari pa' lu trattamentu pa' pultà a innanzi li finalitài mintuàti a innanzi.

### **Trasferimentu datti**

Li datti passunali vènini adducati innantu a lu server di la Regioni Autonoma di la Saldìgna e ill'archivio in papéri, indrentu a l'Unioni Europea o illi server di lu Coni.

### **Tippu di lu cunferimentu di li datti e cunsighenzi di lu rifiutu di rispundi**





Comune di Budoni

Lu cunferimentu di li datti passunali è d'ubbrìcu palchì nizissariu a lu scoppu di l'andanza di l'attività liàti a lu pruzzidimèntu e, siddhu cumbina, di l'opposizioni o dummanda di cancellazioni da palti di l'interissatu cumpolta l'impossibilità di paltizzipà o pultà addananzi la pruzzidura.

### **Dritti di lu 'ntarissatu**

Li 'ntaressati àni li dritti mintuàti ill'alticculu 15 GDPR e più infini:

- di aé lu cumpróu di l'esistenza o no di datti passunali chi so liàti, puru siddhu no sò ancóra riggristrati, e la só' comunicazioni in folma intelligibili;
- di aé lu 'nghjittu:
  - di l'origini di li datti passunali;
  - di li finalità e manéri di lu trattamèntu;
  - di la logica applicata in casu di trattamèntu fattu cun l'agghjutu di strumentielettronichi;
  - di l'estremi identificativi di lu titolari, di li 'ngarrigati e di lu rappresentantiinghjittatu a li sensi di l'alticculu 3, comma 1, GDPR;
  - di li suggergetti o di li categorii di suggergetti undi póni esse comunicati li datti passunali o che possini 'innenni a sapé sendi rappresentanti inghjittati illu tirrittóriu di lu Statu, di responsabbili o ingarrigati;
- di aé:
  - l'aggiornamentu, la rettifica o, candu selvi, l'agghjunta di li datti;
  - la cancellazioni, lu mutamèntu in folma anonima o lu felmu di li datti trattati andèndi fóra régula di legghji, cumpresi chissi undi no è nizissariu adducalli sigundu li scoppi chi li datti sò stati accapitati, o dapói, trattati;
  - l'attestazioni chi l'operazioni mintuàti illi littari a) e b) sò stati fatti sapé, ancóra pa' lu chi cuntènni, di chissi chi li datti sò stati comunicati o bandiati, salvu lu casu undi chissu adempimentu si mustra impussibili o cumpolta un trattugnu di mèzi fóramisura cunfolma a lu drittu tutelatu;
  - di oppunissi, in tuttu o in palti pa' mutti legittimi a lu trattamentu di li datti passunaliaiddhi rifferuti, liàti a lu scoppu di accapità li datti mattessi;

undi si pó applicà, àni ancóra li dritti mintuàti ill'alticculi 16-21 GDPR (Drittu di rettifica, drittu a l'olvìdu, drittu di limitazioni di trattamèntu, drittu a la poltabbilità di li datti, drittu di opposizioni), comu puru lu drittu di cuntestazioni a l'Autorità Garanti.







Comune di Budoni

### **Manéra di palisà li dritti**

È pussibbili in cassisia mumentu palisà li proppi dritti mandèndi:

- una raccomandata a/r a Regioni Autonoma di la Saldigna, Assessoratu di la pubblica istruziòni, beni culturali, infulmaziòni, spettaculu e sport, Direziòni Generali di la Pubblica Istruzioni, Silvìziu Politichi scolastici, Carréra manna Trieste, 186, Cagliari;
- una PEC a lu 'ndirizzu: [pi.dgistruzione@pec.regione.sardegna.it](mailto:pi.dgistruzione@pec.regione.sardegna.it).

### **Rifirimèti e cuntatti di lu titolari, responsabbili e ingarrigati**

A li sensi di lu Regulamentu (UE) 2016/679 riferutu a lu galdà di li passòni fisichi, più infini, a lu trattamèntu di li datti passunali e ancóra a lu libbaru anda e torra di chissi datti, lu Titolari di lu trattamèntu è la Regioni Autonoma di la Saldigna, cun sede legali in Cagliari, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti pa' un trèttu di tempu di la Giunta Regionali; Lu 'ngarrigatu da lu Tittulari pa' lu trattamento di li datti dedicati a li pruzzidimenti in garrigu a la Direziòni Generali di la Pubblica Istruzioni è lu Direttori Generali pa' un trettu di tempu, cunfolma lu Decrettu Presidenziale n. 48 di la dì 23 di magghju di lu 2018,  
mail: [pi.dgistruzione@regione.sardegna.it](mailto:pi.dgistruzione@regione.sardegna.it),  
pec: [pi.dgistruzione@pec.regione.sardegna.it](mailto:pi.dgistruzione@pec.regione.sardegna.it),  
tel: 070/6064941.

Lu 'Ngarrigatu pa' galdà di li datti di la Regioni Autonoma di la Saldigna, numinatu cun Decrettu Presidenziali n. 47 di la dì 23 di magghju di lu 2018, podarà esse cuntattatu a li cuntatti chi s'ìghini:  
[rpd@regione.sardegna.it](mailto:rpd@regione.sardegna.it),  
pec: [rpd@pec.regione.sardegna.it](mailto:rpd@pec.regione.sardegna.it),  
tel: 0706065735.

